

Joshua, Natasha 'mengacui' emas

Oleh **NUR FATIEHAH
ABDUL RASHID**

sukan@utusan.com.my

■ KUALA LUMPUR 13 OGOS

ATLET lawan pedang negara, Joshua Koh I-jie melahirkan keyakinan tinggi untuk mendapatkan pingat emas pada Sukan SEA Ke-29 dengan perlawanan akan bermula pada 21 hingga 23 Ogos ini.

Menurut atlet berusia 27 tahun itu, latihan intensif selama dua bulan di Korea Selatan telah melengkapkan dirinya dan juga rakan sepasukan, Natasha Ezzra Abu Bakar untuk beraksi dengan lebih cemerlang.

"Selama dua bulan menjalani latihan di sana, banyak kelemahan telah diperbaiki. Peluang menjalani latihan bersama atlet berkelas dunia dari Korea, Park Sang-young telah banyak membuka mata dan minda saya untuk mempamerkan aksi yang lebih konsisten.

"Selain itu, kami berpeluang



KEYAKINAN Joshua Koh I-jie dan Natasha Ezzra Abu Bakar menggenggam pingat emas bersandarkan kepada latihan intensif yang diterima sepanjang berada di Korea Selatan. - UTUSAN/ZAINI HUSIN

menggunakan sistem yang lebih maju dan ini satu pengalaman terbaik buat kami," katanya.

Sementara itu, Natasha,

26, berkata, dia telah bersedia dengan misi untuk memburu emas sulung Sukan SEA sekali gus mengambil peluang menebus

kekalahan di Singapura dua tahun lalu apabila tewas kepada pemain Singapura dalam peringkat suku akhir.